

Berbare datamaskiner til elevar på 8. trinn

Elevane på 8. trinn på [Namn] Ungdomsskule har lyst og vere med på dataprojektet det elevane får utdelt kvar sin berbare datamaskin. No skal eg skrive nokre fordelar og ulemper ved dette prosjektet, og eg skal forklare kvifor dette kan vere ein god idé for læring og for orden. Eg håpar du tar til deg det eg skriv i denne teksten, og forstår mitt synspunkt på ting. Kanskje du får lyst til å gi oss lov til å få vere med på dette prosjektet?

Nokre fordelar og nokre ulemper

Ein fordel kan vere at det blir mykje enklare for både elevar og lærarar halde orden på ting som er på data. Slik som det er no har vi jo ikkje tilgang til ting vi jobbar med på skulemaskiner heime med mindre vi legg det inn på Fronter. Dette kan vere ein fordel både for lærarar og for elevar, ettersom vi då ikkje har moglegheit til og gløyme oppgåver heime, eller ikkje gjere lekser som vi skal levere digitalt eller gjere på datamaskina og vise fram til læraren. Då vert det enklare for læraren og halde orden på kven som gjer leksene og ikkje osv.

Ei ulempe kan vere at datamaskinene kan bli øydelagde, men eg tenkjer at om vi får noko utdelt av skulen, tar vi godt vare på det. På den måten lærar vi oss om ansvar over ting samstundes.

I tillegg kan vi lære mykje meir. For eksempel om man ser på videoar på YouTube og slikt, kan vi lære oss språk ettersom dei fleste ting der er på Engelsk / Amerikansk. Vi kan også bli flinkare til å skrive og til å lese ettersom vi kan lese ting på nettet. Du legg vi kanskje merke til korleis vi skal skrive ulike ord som vi kan ha vore usikre på før.

Ulike moglegheiter kan opne seg. Det er fordi om ein for eksempel er veldig interessert i bilar og vil vite meir om det, kan man finne masse om det på nettet. Alt du vil vite kan du finne på nettet så lenge du søker på dei rette tinga. På den måten kan det bli enklare når du kjem ut i arbeidslivet om du skal begynne å jobbe med bilar. Då kan det hende du får fleire studiepoeng om du utdannar deg innan for dette, og då får lettare jobb der du har lyst til og jobbe.

Undervisning og merknader

I undervisningstida kan det på ein måte vere ei ulempe. Lærarane kan ikkje sjå kva elevane driv på med bak skjermane, og då kan vi vere på sider vi ikkje har lov til og vere på i undervisningstida. Sidan vi kan få merknadar trur eg ikkje dette vil bli eit problem. Ein vil jo helst ikkje ha merknad, og om ein får merknad for det, trur eg dei fleste ville ha unngått og gjere det.

Læraren kan ha mykje meir undervisning på data og. Då kan vi følgje med på våre eigne datamaskiner, og å notere ting vi snakkar om. På den måten får vi det med oss over alt, og slepp problemet med å rote det vekk i sekken eller heime. Lekseplanar og slikt kan også bli levert på datamaskiner, slik at vi berre kan logge oss inn og sjå kva vi har i lekse.

Du meiner kanskje at dette blir eit dyrt prosjekt ettersom alle elevane må få datamaskiner, og det kan bli ein del peng. Men datamaskinene som blir utlevert treng ikkje og vere dei beste som finst, og når elevane er ferdige med skuleåret, (det vil seie om vi ikkje skulle ha hatt dei heilt til 10. klasse) kan vi berre arve dei vidare til dei som skal begynne i 8., (så lenge dei er tatt godt vare på osv.) Dersom nokon vil behalde datamaskinene eller klarer å øydelegge dei, kan dei betale skulen tilbake prisen datamaskina kosta, eller ein liknande pris.

Oppsummering

Eg tenkjer dette hadde vert ei god øving for å lære oss elevar om ansvar, og mange moglegheiter kan opne seg for oss i denne digitale verda. Alt finst på nettet no til dags, og det skadar jo ikkje at elevane er litt oppdaterte og brukar nett. Alle ting kjem meir og meir inn på data no, og i framtida trur eg det meste vil vere på data, alt frå jobb til hobbyar osv. Det er det jo for så vidt allereie. Då blir det jo ein fordel at vi lærer oss å bruke datamaskiner og å finne informasjon frå rette kjelder, og å jobbe med ting på nett. Derfor håpar eg du vil sjå kva moglegheiter du kan opne for oss ved å la oss få vere med på dette prosjektet, og at det kan bli lettare for oss å lære ting på vår eigen måte.